
ФАРҒОНАДА “ЯНГИ ЎЗБЕКИСТОН – ИНСОН ҚАДРИ УЛУҒЛАНГАН ЮРТ!” ШИОРИ ОСТИДАГИ МАДАНИЙ-МАЪРИФИЙ ТАДБИРЛАР ДОИРАСИДА ЯКУНИЙ ГАЛА-КОНЦЕРТ БЎЛИБ ЎТДИ

Фарғона шаҳридаги Ислом Каримов номи вилоят Театр-концерт саройининг очиқ сахнида вилоятимиз бўйлаб “Янги Ўзбекистон – инсон қадрли улуғланган юрт!” шiori остида 30 майдан бери ўтказилаётган маданий-маърифий тадбирлар доирасида якуний гала-концерт бўлиб ўтди.

Тадбирни Президент маслаҳатчисининг ўринбосари Нодиржон Холбўтаев ҳамда вилоят ҳокимининг ўринбосари Файзулло Қосимов очиб бердилар.

Бир ҳафта давомида пойтахтимиздан келган уч юздан зиёд маданият, санъат намояндалари, шоир ва ёзувчилар, маънавият тарғиботчилари иштирокида вилоятимизнинг шаҳару қишлоқларида 350 дан зиёд концерт дастурлари, театрлаштирилган томошалар, ижодий учрашувлар, энг сара кинофильмлар намойиши ташкил этилиб, бу тадбирларга қарийб ярим миллион вилоятимиз аҳолиси қамраб олингани қайд этилди.

Республикамиз ҳамда вилоятимиз санъатининг забардаст вакиллари ва ёш юлдузлари ижросидаги Ватанни, она юртни, тинчликни тараннум этувчи дилтортар куй-қўшиқлар, йиғилганларнинг уларга ҳамоҳанг рақслари 3 соатдан зиёд давом этган гала-концертга ҳақиқий маданият ва санъат байрами шукуҳини берди.

Концерт якунидаги ёрқин мушакбозлик иштирокчиларга янада кўтаринки кайфият бағишлади.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-06-06 18:55:04